

वा॒अ॒द॒ध॒त । स॒वि॒ता॒भ॒व॒त् । अ॒द्व॒ वा॒अ॒स्मै॒ म॒नु॒ष्या॒द॒ध॒ते ।
 स॒वि॒ता स॒मा॒ना॒नां॑ भ॒व॒ति । य॒ए॒तेन॑ ह॒वि॒षा य॒ज॒ते ।
 य॒उ॒चै॒न॒दे॒वं वे॒द । सोऽ॒च जु॒हो॒ति । स॒वि॒त्रे स्वा॒हा ह॒-
 स्ता॒य स्वा॒हा । द॒द॒ते स्वा॒हा पृ॒ण॒ते स्वा॒हा । पु॒य॒च्छ॒ते
 स्वा॒हा प्र॒ति॒गृ॒भ॒ण॒ते स्वा॒हेति ॥ ११ ॥

त्व॒ष्टा वा॒अ॒काम॑य॒त । चि॒त्रं पु॒जां वि॒न्दे॒येति॑ । स॒ए॒तं
 त्व॒ष्ट्रे चि॒त्रायै॑ पु॒रो॒डा॒श॒म॒ष्टाक॑पा॒लं नि॒र॒व॒प॒त् । ततो॒ वै
 स चि॒त्रं पु॒जाम॑वि॒न्द॒त । चि॒त्रं ह॒ वै पु॒जां वि॒न्द॒ते । य॒-
 ए॒तेन॑ ह॒वि॒षा य॒ज॒ते । य॒उ॒चै॒न॒दे॒वं वे॒द । सोऽ॒च जु॒हो॒-
 ति॑ । त्व॒ष्ट्रे स्वा॒हा चि॒त्रायै॑ स्वा॒हा । चै॒त्राय॑ स्वा॒हा पु॒-
 जायै॑ स्वा॒हेति॑ ॥ १२ ॥

वा॒यु॒र्वा अ॒काम॑य॒त । का॒म॒चा॒र॒मे॒षु लो॒केष्व॒भि॒ज॒ये॒-
 य॒मि॒ति॑ । स॒ए॒त॒द्वा॒य॒वे नि॒ष्ट्यायै॑ गृ॒ष्ट्यै दु॒ग्धं प॒यो नि॒र॒व॒-
 प॒त् । ततो॒ वै स॒का॒म॒चा॒र॒मे॒षु लो॒केष्व॒भ्य॒ज॒य॒त् । का॒म॒-
 चा॒रं ह॒ वा॒एषु॑ लो॒केष्व॒भि॒ज॒य॒ति । य॒ए॒तेन॑ ह॒वि॒षा य॒-
 ज॒ते । य॒उ॒चै॒न॒दे॒वं वे॒द । सोऽ॒च जु॒हो॒ति । वा॒य॒वे स्वा॒हा
 नि॒ष्ट्यायै॑ स्वा॒हा । का॒म॒चा॒रा॒य स्वा॒हाभि॒जित्यै॑ स्वा॒हे॒-
 ति॑ ॥ १३ ॥

इ॒न्द्रा॒ग्नी वा॒अ॒काम॑ये॒तां । श्रै॒ष्ठ्यं दे॒वा॒ना॒म॒भि॒ज॒ये॒वे॒-